

增修
補註
正續歷代通鑑輯覽

宋

高宗皇帝

〔丙寅〕紹興十六年

金皇統六年

春正月行藉田禮

先是知虔州

續綱目作虔州今依宋史高宗

紀及秦檜傳改正

薛弼

字直老溫州永嘉人

言州民朽柱中有文曰天下太平年秦檜大喜乞詔

付史館于是修虛文以飾治具如鄉飲耕藉之類節節備舉爲苟安餘杭之計自此不復巡幸江上而祥瑞之奏日聞矣

夏五月金右丞相韓企先

燕京人

卒

企先爲金右丞相每欲爲官擇人專以

培植獎勵後進爲己任推轂士類甄別人物一時臺諫多君子號稱賢相六月金殺其翰林學士宇文虛中

金人重虛中之才號爲國師而虛中恃

才輕肆好譏訕凡見女真人輒以礦鹵目之貴人達官積不能平至是唐

古充愛

舊作唐括今改後仿此

家奴告虛中謀反有司鞫治無狀乃羅織虛中家圖

書爲反具虛中曰死自吾分至于載籍南來士大夫家家有之翰林直學

士高士談

字季默瓊之孫

圖書尤多于我家豈亦反邪有司承順風旨并殺士談

于是虛中與老幼百口同日焚死

秋九月金劉豫死

冬十二月金遣使如西遼西遼殺之 先是回紇遣使入貢于金言耶律達

什

時達什林牙已死西方諸部仍以達什呼之

與其國鄰金遣鈕祜祿哈努勒舊作粘割韓奴今改與其使俱往

遇遼主于野哈努勒語不遜遼主怒而殺之

〔丁卯〕十七年

金皇統七年

夏四月金主醉殺其戶部尙書宗禮 金主自卽位以

來委政于尼瑪哈幹布烏珠雖初年國家多故而吏清政簡百姓樂業既

而其後費摩氏

舊作裴滿氏今改後仿此

干政朝官往往因之以取宰相金主欲立繼嗣

爲后所制心不能平因縱酒自遣酗怒至于手刃侍臣至是宴便殿金主

被酒彊諸王飲不能俱逃去金主大怒時惟戶部尙書宗禮在側乃使之

跪手殺之

五月安置饒州通判洪皓于英州 先是皓居母喪秦檜黨猶謂皓睥睨鈞

衡及終喪除饒州通判李勤又附檜

續綱目作饒州通判李勤考宋史皓本傳明言皓終喪除饒州通判若以爲李勤官則上文除

字將安所指乎續綱目誤甚今依宋史改正

誣皓作欺世飛語責濠州團練副使英州安置

六月金殺其橫海節度使田穀 初韓企先引穀爲吏部侍郎孟浩

字浩然濠州人爲左司員外郎銓敍得人時烏珠當國其所任刑部員外郎蔡松年

字伯堅

與穀相結穀薄其爲人拒之松年遂日短穀于烏珠企先卒卽出穀爲潢海節度使及是尙書省令史許霖首告穀在吏部時爲選人龔夷鑒倒用日月事霖亦烏珠所親信與蔡松年構成其獄殺穀及左司郎中奚毅翰林待制邢具瞻并王植高鳳廷王傲趙益興與夷鑒等其妻子及所往來孟浩等皆徙海上仍不以赦原天下寃之

秋八月故相趙鼎卒于吉陽軍鼎潛居深處門人故吏皆不敢通問惟廣

西帥張宗元時饋糲米會降旨趙鼎李光遇赦永不檢舉且令本軍月具存亡申省鼎遣人語其子汾曰秦檜必欲殺我我死汝曹無患不爾禍及一家矣自書墓中石記鄉里及除拜歲月且書銘旌云身騎箕尾歸天上氣作山河壯本朝遺言其子乞歸葬遂不食而死天下聞而悲之

先以爲本固而後敵可圖譬可復惜其見忌于檜齋志以沒然中興賢相鼎爲稱首鼎既卒參知政事段拂爲之歎息秦檜怒遂罷拂爲資政殿學士尋落職興國軍居住興國軍宋置今湖北

陽新縣

九月罷四川宣撫副使鄭剛中剛中治蜀有方略秦檜忌之使人求其陰

事召還責桂陽軍安置未幾四川宣撫司亦罷

冬十二月金及蒙古和初達賚既誅其子勝花都郎君

金史達賚傳誅達賚并殺二子幹爾達額特布

此勝花都郎君或其幼子事出大金國志金史無考按幹爾達舊作幹帶額特布舊作烏達補今改後仿此率其父故部曲以叛與蒙古通

蒙古益彊烏珠討之連年不能克乃與之議和割西平河方輿紀要即臚胸河宋紹興中金人與蒙古

古和割河以北地與之即此考臚胸河下流與黑龍江合蒙古在黑龍江之北則此西平河或即臚胸河之下流也臚胸河原委注見前以北二十七團寨

與之歲遺牛羊米豆且冊其長鄂羅貝勒舊作熬羅李極烈今改後仿此為蒙輔國王不受

自號大蒙古國至是始和歲遺甚厚于是鄂羅貝勒自稱祖元皇帝政元

天興

〔戊辰〕十八年金皇統春三月以秦熺知樞密院事秦檜問勅令所刪定

官胡寧字和仲安國第三子曰兒子近除外議如何寧曰以為必不襲蔡京之迹檜

怒之已而熺乞避父子共政遂罷為觀文殿學士兼侍讀位次右僕射尋加少保

夏五月放浙東副總管李顯忠于台州顯忠熟知西邊山川險易因上恢

復策秦檜惡之降官奉祠台州居住

六月金以完顏亮即海陵幹布之子太祖之孫本名迪古剌舊作乃今改後仿此平章政事亮為人慄急猜忌

殘忍任數自以己與金主同為太祖孫常懷覬望及為中京留守專立威

以厭伏小人結明安蕭裕本名伊徹奚人按伊徹舊作遙折今改後仿此每與論天下事裕傾險揣知

其意因曰留守先太師太祖長子德望如此人心天意宜有所屬誠有志

舉大事願竭力以從亮喜遂與謀議及入爲右丞進平章務攬持權柄用其腹心爲省臺要職引裕爲兵部侍郎

之、后亦附賜禮物、金主聞之怒、杖與國而奪回賜物、亮本懷不軌、疑畏愈甚、

是冬、以亮爲右丞相、亮生日、金主遣近侍局直長大興國以司馬光畫像玉吐鶴廠馬賜

冬十月金太師都元帥烏珠卒 金自尼瑪哈死達賚博勒郭等皆有自爲

之意幹布獨立不能如之何時無烏珠國勢殆矣故其國論功以爲尼瑪

哈後惟烏珠一人耳

十一月竄胡銓于海南 秦檜諷司諫羅汝楫論銓飾非橫議竄新州同郡

王廷珪嘗以詩贈銓坐流辰州新州守張秉承檜旨論銓與客唱酬謗訕

怨望詔送海南編管以隸提舉湖北常平至官一日卒

時洪皓在英州、閩人倪督爲守、聞秉以巧中遷

官取使節、欲效之、即使人伺隙捕皓家奴、寘獄中、釀成其罪、未及發而督卒、事乃解、

己巳十九年

金皇統九年十二月以、後、廢主亮天德元年、

夏五月金出完顏亮于行臺秋九月復召

入平章政事 金主以完顏亮爲太保領三省事五月以天變肆赦命翰林

學士張鈞草詔參知政事蕭肄

人、

摘其語以爲誹謗金主殺鈞且問誰使

爲之左丞相宗賢

本名色里希卜蘇之孫、色里舊作襄里希卜蘇舊作習不失、今改正、

曰迪古鼎實使之金主不

悅故出亮亮過中京與留守蕭裕定約而去九月至良鄉召還莫測其故

大恐及至復拜平章逆謀益甚

冬十月金主殺其弟胙王常勝等

幹布子金主弟後追改名元

遂殺其后費摩氏

金宰臣

議遷遼陽渤海之民于燕南近侍高壽星等當遷訴于費摩后后白金主

金主怒遂杖平章政事秉德

本名伊遜尼瑪哈孫

右丞唐古辯

本名翁郭羅尙金主女按翁郭羅舊作幹骨刺今改

後仿此

而殺左司郎中薩哈

舊作三合今改

壽星等竟得不遷秉德辯二人怨望遂

與大理卿烏達

阿里布之子按烏達舊作烏帶阿里布舊作阿魯補今改後仿此

謀廢立烏達以告完顏亮一日

亮與辯語因問曰若舉大事誰可立者辯曰胙王常勝乎問其次曰鄧王

名爽宗傑子太祖孫

子敖拉

舊作阿懶今改後仿此

亮曰敖拉屬疏安得立辯曰公豈有意邪亮

曰果不得已舍我其誰于是旦夕相與密謀護衛將軍塔斯

舊作特思今改後仿此

疑

之以告費摩后后白金主金主怒召辯謂曰爾與亮謀何事將如我何杖

之亮因此忌常勝敖拉惡塔斯會河南兵士孫進作亂自稱皇弟按察大

王而金主之弟止有常勝扎拉

舊作查刺今改後仿此

亮乘此構常勝扎拉金主使塔

斯鞫之無狀亮曰塔斯鞫不以實遂俱殺之又殺敖拉達賚

亦鄧王子舊作達榜今改後仿此

金主積怒于后遂亦殺之而召胙王妃薩茂

舊作撒卯今改後仿此

入宮繼之又殺德

妃烏庫哩

舊作烏古論改後仿此

氏及瓜爾佳

舊作夾谷今改後仿此

氏張氏等

十二月金完顏亮弑其主亶而自立。亮弑主篡立實金之亂因故即位後變例書名至金世宗既立金統有歸亮止書名而不稱主

護衛十人長布薩瑚圖克。後改名思恭上京羅卜科達噶人按布薩瑚圖克舊作僕散忽土羅卜科達噶舊作老海達葛今改正 舊受

幹布恩圖克坦。舊作徒單今改 額勒楚克。會寧噶瑪哈赫仲人徙懿州按額勒楚克舊作阿里出處噶瑪哈赫仲舊作葛馬合窩申今改 與

亮姻家亮皆使爲內應大興國嘗以李老僧後賜名維忠屬亮得爲尙書省令史

亮度興國被杖怨望又使老僧結爲應興國給事寢殿夜嘗取符鑰歸十

二月丁巳乘布薩瑚圖克額勒楚克內直作變夜二鼓興國以符鑰啓門

亮與妹塔圖克坦貞。特赫塔拉人按特赫塔拉舊作忒黑圖刺今改 平章政事秉德右丞唐古辯大理

卿馬達李老僧等以刀藏衣下入宮門者以辯國塔亮又至親不疑而納

之及殿門衛士始覺有變亮等抽刀刳之莫敢動遂入寢殿金主常置佩

刀于榻是夜興國取刀投榻下金主求刀不得額勒楚克先進刃瑚圖克

次之金主頓仆亮前手刃之血濺滿其面與衣金主既殂秉德等未有所

屬瑚圖克曰始者議立平章今復何疑秉德遂與羣臣奉亮卽位詐以金

主欲議立后召大臣因殺曹國王宗敏左丞相宗賢以秉德爲左丞相唐

古辯爲右丞相烏達爲平章政事諡費摩后爲悼平皇后廢金主亶爲東

昏王大赦改元

言之升之訐其事

秦檜命兩浙轉運副使曹泳究實泳言孟堅省記父光所作小史語涉譏

訕送大理寺獄成詔光遇赦永不檢舉孟堅除名編管峽州于是胡寅程

瑀潘良貴宗穎

澤之子

張燾許忻賀允中吳元許八人皆緣坐降責有差有

從政郎楊煒常州通判沈長卿

字文伯湖州人

舊與李光言和戎非便知雷州王

趙求內徙李光俱坐貶又有太常主簿吳元美作夏二子傳指蚊蠅也其

鄉人告之以爲譏毀大臣又言其家亭號潛光有心于黨李堂名商隱無

意于事秦檜大怒竄之容州

唐置今廣西容縣是

夏四月置力田科募民耕兩淮田從知廬州吳達請也

金主亮大殺其宗室初金主亮見太宗諸子盛彊忌之及卽位遂與蕭裕

謀殺之又以前左丞相秉德首謀廢立而不卽勸進銜之將盡誅焉于是

豫教尙書省令史蕭玉

梁人

上變遂召領三省事阿嚕

卽宗本太宗子按阿嚕舊作阿魯今改

左丞

相唐古辯判大宗正寺呼爾吉

卽宗美阿嚕弟舊作胡里甲今改後仿此

繫鞫至則殺之因遣使

如東京殺留守阿林

卽宗懿太宗子舊作阿鄰今改後仿此

北京殺留守呼拉布

金史海陵紀作布系表云北京留守

太宗孫今仍續綱目布舊作斛祿補今改後仿此

南京殺領行臺事秉德并誅其親屬復殺太宗子

孫七十餘人尼瑪哈子孫三十餘人諸宗室五十餘人太宗尼瑪哈後皆

絕而烏達蕭裕蕭玉等皆受重賞亮又令玉子尙主曰朕無以報卿使朕女爲卿男婦代朕事卿也

冬十月金主亮殺其左副元帥薩里干等夷其族 金主亮復忌舍音諸子

盛彊及宗室勳舊大臣欲盡除之乃諷都元帥府令史約索即白彥敬博勒郭部族人按約

索舊作遙設博勒郭舊作羅火今改後仿此誣飾上變遂殺薩里干及景祖孫穆里延舊作謀里野今改後仿此舍

音子博濟即宗義舊作字吉今改并其族百數十人以魏王幹爾達太祖之弟按此與本卷前達賚之子另是一人

孫呼爾吉舊作活里甲今改後仿此好修飾亦族之

秦檜有疾詔執政赴檜第議事 十二月甲子檜始朝命肩輿入宮門二孫

墳堪扶掖升殿不拜

〔辛未〕二十一年金天德三年春正月金置國子監

二月以巫伋爲金國祈請使 伋至金首請迎靖康帝歸國金主亮曰不知

歸後何處頓伋唯唯而退

三月金大營宮室于燕續綱目此條目內敘營建事本金史海陵紀乃汴宮而誤爲燕宮今改敘于二十八年金營汴宮綱下 金主亮稍

習經史慕中國衣冠人物密有遷都意遂下詔求直言而上書者多謂上

京僻在一隅不若徙燕以應天地之中與亮意合乃遣左丞相張浩字德浩

陽海人，右丞相張通古字樂之，易州易縣人，等調諸路夫匠築燕京宮室城周九里

三十步其宮室一依汴京制度

夏五月金主亮納其叔母阿蘭舊作阿懶，今改，後仿此及宗婦于宮阿蘭亮叔曹王阿

里布妻也亮殺阿里布而納之封爲昭妃又命圖克坦貞語宰相曰朕嗣

續未廣前所誅黨人諸婦多朕中表親宜選納焉宰相乃奏請行之亮遂

納阿嚕子索羅綽舊作涉魯，今改，後仿此瑚魯即宗固，亦太宗子，舊作胡魯，今改，後仿此子華喇舊作胡里刺，今改，後仿此呼

達舊作胡失打，今改，後仿此秉德弟嘉哩舊作里，今改，後仿此等四人之妻于宮尋封嘉哩妻高氏

爲修儀崇義節度使烏達妻唐古定格，舊嘗與亮私，及爲帝，定格使侍婢來朝，亮諷使殺烏達，許以爲后，定格初不忍，亮誑之曰：不殺汝夫，將族滅汝家。定格大恐，縊殺烏達，遂納之。

宮中封貴妃大愛幸後與舊家奴姦賜死又使秘書監完顏文出其妻唐古石格而以爲麗妃使

伊里布出其妻富察徹辰而納之徹辰亮姊之女也按唐古定格舊作唐括定哥唐古石格舊

秋八月太傅鎮南武安寧國節度使咸平王韓世忠卒世忠性戇直勇敢

忠義事關廟社必流涕極言屢詆和議觸秦檜解兵罷政臥家凡十年至

是卒世忠嗜義輕財賚悉分將士將軍嚴重與士卒同甘苦器仗規畫精絕過人嘗中毒矢入骨以彊弩括取之十指僅全四不能動刀痕箭瘢如刻畫然知人善獎用成閔解元劉

寶等起行伍秉將旄皆其部曲也孝宗朝追封肅王諡忠武子彥直彥彥古皆以才見用成閔字居仁邢州人

〔壬申〕二十二年金天德四年春三月編管王庶子之荀于嶺南初庶卒于

貶所其子之奇之荀撫棺而哭曰秦檜秦檜此讐必報親舊皆掩其口曰

禍未已也至是爲人所告坐謫朝廷編管之奇于梅州本南漢恭州宋改今廣東梅縣之荀

于容州又以直龍圖閣葉三省監都作院王遠嘗通書王庶及趙鼎力詆

和議安置三省于筠州遠于高州

夏四月巫伋罷以章復伏晉簽書樞密院事伋與秦檜居同里一日檜語伋

曰里中有何新事伋曰有一術士自鄉里來頗能論命檜變色曰是人言

公何日拜相伋惶恐而退中丞章復聞之卽劾伋陰懷異意遂罷復拜幾幾

罷亦

冬十二月金主亮召濟南尹烏嚕妻烏凌噶氏皇卽昭德未至自殺噶王烏

嚕時爲濟南尹烏凌噶氏儀容整肅亮召之乃謂烏嚕曰我不行上必殺

王我當自勉不以相累也遂召王府臣僕曰爲我禱東岳使皇天后土明

鑒我心行至良鄉得閒自殺

〔癸酉〕二十三年金貞元春三月金遷都于燕金主亮自上京至燕京初

備法駕下詔改元親選良家子三百十人充後宮以燕列國之名不當爲

京師號遂改燕京爲中都大興府汴京爲南京削上京之名止稱會寧府

又改中京大定府爲北京而東京遼陽府西京大同府如舊

以王循友知建康府循友知鎮江上書乞加秦檜九錫檜喜而遷之踰年

檜以循友罪其族黨安置藤州

唐置今廣西藤縣是

夏四月金太后大氏卒金主亮遷都于燕親屬皆從獨留圖克坦太后于

會寧圖克坦后常憂懼每中使至必易衣以候命大氏在燕常思念圖克坦后及病篤以不得一見爲恨將死謂亮曰汝以我之故不令永壽宮偕來我死必迎致之事之當如事我

〔甲戌〕二十四年金貞元二年春正月金右丞相蕭裕謀反坐誅裕在相位恃

功專恣金主亮倚信之他相仰成而已裕以亮猜忌忍殺恐禍及遂與蕭

豐嘉努舊作蕭馮家奴今改後仿此等謀立故遼主豫王延禧之孫事覺伏誅

夏五月金始置交鈔庫從戶部尙書蔡松年請也設印造鈔引及交鈔庫一貫二

鈔一伯二伯三伯五伯七伯五等謂之小鈔與錢並用以七年爲限納舊易新每貫取工墨錢十五文諸路並設使副判各一員都監一員蓋以銅少爲權宜之制云

秋七月張俊卒俊握兵最早屢立戰功帝于諸將中眷注特厚然忌劉錡

附秦檜殺岳飛爲世所鄙薄焉

以敷文閣待制秦垕修撰實錄院初魏師遜湯思退字進之處州人等知貢舉以

秦熺子塤爲榜首及廷試檜以思退爲編排師遜爲詳定復擬塤第一帝

讀塤策覺所用皆檜熺語遂進張孝祥

字安國歷陽烏江人

第一而塤第三

時檜從子熺煇姻黨

周資沈興傑皆擢高第天下切齒

至是以塤修撰實錄院祖父孫三世同領史職前此未有

也

八月禁百官避輪對

秦檜擅政以來屏塞人語蔽上耳目一時獻言者非

誦檜功德則計人語言以中傷善類欲有言者恐觸忌諱僅論銷金鋪翠

乞禁鹿胎冠子之類以塞責而已故皆避免輪對至是上乃諭執政曰百

官輪對正欲聞所未聞近輪對者多謁告避免可令檢舉約束蓋防檜壅

蔽也

冬十一月以施鉅參知政事

自秦檜專國士大夫有名望者悉屏之遠方

凡齷齪委靡之徒一言契合卽登政府稍出一語輒斥去之不異奴隸故

自万俟卨罷至此十年參預政事者纔四人而已

加秦熺少傅封嘉國公

金主亮納其諸從姊妹于宮

壽寧縣主什貴

舊作什古今改

幹喇布之女也靜樂

縣主布拉

舊作蒲刺今改後仿此

希延

舊作習撚今改後仿此

烏珠之女也錫古蘭

舊作師古兒今改後仿此額爾

衰之女也混同縣君蘇將和琢舊作莎里古真今改後仿此其妹伊都舊作餘都今改後仿此阿嚕之

女也皆亮從姊妹鄰國夫人崇節舊作重節今改後仿此博勒郭之女孫亮之姪也張

定安妻鼎喇固舊作奈刺忽今改後仿此太后大氏之兄嫂也富魯和琢舊作蒲廬胡只今改後仿此麗

妃石格之妹也皆有夫亮無所忌恥皆召與之私分屬諸妃位下凡宮人在外有夫者

初猶分番出入後乃盡遣其夫往會寧不聽出外每幸婦人必奏樂撤帳常于臥內通設地衣保遂爲戲

十二月西遼耶律伊呀死其妹普蘇完舊作普速完今改權國事伊呀卒子幼普蘇

完以遺令權國稱制改元崇福自號承天皇太后諡伊呀曰仁宗

〔乙亥〕二十五年金貞元三年夏六月改岳州爲純州岳陽軍爲華陽軍或言岳

州乃岳飛駐軍之地又與其姓同乞改之蓋以媚秦檜也岳州人謂飛駐

軍乃鄂州于我州何與而改之

秋八月下趙鼎子汾等于大理獄秦檜于一德格天閣書趙鼎李光胡銓

三人姓名必欲殺之及鼎死而憾不已江西運判張常光箋注前帥張宗

元與張浚詩言于朝其詞連逮者數十家將誣以不軌而盡去之會汪召

錫告宗室知泉州令衿太祖五世孫觀檜家廟記口誦君子之澤五世而斬謫居

汀州檜乃諷殿中侍御史徐嘉論趙汾與令衿飲別厚贐必有好謀詔送

汾令衿大理鞠問使汾自誣與張浚李光胡寅胡銓等五十三人謀大逆
獄成而檜病不能書矣

冬十月徙洪皓于袁州未至卒

皓居英州九年始復朝奉郎徙袁州至南

雄卒

皓久在北庭爲金人所敬既歸金人至必問皓爲何官居何地不幸爲檜所忌不死于敵國而死于讒慝聞者悼之

進封秦檜爲建康郡王加其子熺爲少師並致仕是夕檜死檜病帝幸其

第問焉無一語惟流涕而已熺奏請代居相位者爲誰帝曰此事卿不當

與帝還宮命沈虛中草檜及熺制並令致仕熺夜遣塤與右司員外郎林

一飛宗正丞鄭柟見其黨殿中侍御史徐嘉右正言張扶謀請己爲相翌

日檜熺致仕詔下塤堪皆提舉江州太平興國宮是夜檜死

檜居相位十九年倡和誤國忘

讎數倫其遺表有云願陛下固鄰國之歡盟謹國之搖動猶思刻制君上于死後性陰險深阻如崖奔不可測同列論事上前未嘗力辨但以一二語傾擠之俾帝自怒一時忠臣良將疎略

盡其頑鈍無恥者率爲檜用爭以誣陷善類爲功凡無罪可狀者則曰立黨沽名曰誦諂曰指斥甚則曰有無君心凡論人章疏皆檜自操以授言官識之者曰此老秦筆也晚年殘忍尤甚屢興

大獄察事之卒布滿京城稍議之者即捕治中以深文專務羅織執政惟取備員甫入輒出惟受德王次翁歷四年始出之立久任之說士淹滯失職有十年不調者然附之則立與擢用開門受

賂富敵于國外國珍寶死猶及門陰結內侍及醫師王繼先何上微旨動靜必具知之郡國事惟申省無至上前者由是張扶請檜乘金根車呂愿中獻秦城王氣詩勢漸不可制及檜死帝謂楊

存中曰朕今日始免防檜逆謀矣

金主亮迎其太后圖克坦后至燕

金主亮命以大房山

在京兆房山縣西北亦曰大房山水經注防水